

qiāng jìn jiǔ jūn bù jiàn huáng hé zhī shuǐ tiān shàng lái
《将进酒·君不见黄河之水天上来》

táng lǐ bái
【唐】李白

jūn bù jiàn huáng hé zhī shuǐ tiān shàng lái bēn liú dào hǎi bù fù huí
君不见黄河之水天上来，奔流到海不复回。

jūn bù jiàn gāo táng míng jìng bēi bái fā zhāo rú qīng sī mù chéng xuě
君不见高堂明镜悲白发，朝如青丝暮成雪。

rén shēng dé yì xū jìn huān mò shǐ jīn zūn kōng duì yuè
人生得意须尽欢，莫使金樽空对月。

tiān shēng wǒ cái bì yǒu yòng qiān jīn sǎn jìn hái fù lái
天生我材必有用，千金散尽还复来。

pēng yáng zǎi niú qiě wèi lè huì xū yī yǐn sān bǎi bēi
烹羊宰牛且为乐，会须一饮三百杯。

cén fū zi dān qiū shēng qiāng jìn jiǔ bēi mò tíng
岑夫子，丹丘生，将进酒，杯莫停。

yǔ jūn gē yī qǔ qǐng jūn wèi wǒ cè ěr tīng
与君歌一曲，请君为我侧耳听。

zhōng gǔ zhuàn yù bù zú guì dàn yuàn zhǎng zuì bù fù xǐng
钟鼓馔玉不足贵，但愿长醉不复醒。

gǔ lái shèng xián jiē jì mò wéi yǒu yǐn zhě liú qí míng
古来圣贤皆寂寞，惟有饮者留其名。

chén wáng xī shí yàn píng lè dòu jiǔ shí qiān zì huān xuè
陈王昔时宴平乐，斗酒十千恣欢谑。

zhǔ rén hé wèi yán shǎo qián jìng xū gū qǔ duì jūn zhuó
主人何为言少钱，径须沽取对君酌。

wǔ huā mǎ qiān jīn qiú hū ér jiāng chū huàn měi jiǔ yǔ ěr tóng xiāo wàn gǔ chóu
五花马，千金裘，呼儿将出换美酒，与尔同销万古愁。